

後漢書疏證

後漢書疏證卷二

吳 沈欽韓撰

耿弇
傳 隸馳射

隸當作肄

元元叩心

晏子諫篇逢於何曰左手擁格右手梱心高誘注淮南
脩務云梱叩椽也列子說符孟氏之父子叩胷而讓施
氏

小廣陽

一統志廣陽故城在順天府良鄉縣西北耿弇追賊至

後漢書地理志卷之二
小廣陽卽此

注 容成在今易州道縣

隋志道舊范陽開皇初改爲道舊唐志天寶元年改爲容城一統志容成故城在今保定府容城縣西北

土垠之間

方輿紀要土垠廢縣在薊州豐潤縣西北六十里舊志土垠城在密雲縣東百里陳宮山下卽後魏復置之城今縣東有垠城舖以舊縣名也

浚靡

注靡音麻按浚靡王莽曰浚麻耳不可便作麻音馬武

傳又音糜前後自異一統志浚靡故城在遵化州西北

攻厭新賊

卽厭新將軍劉茂

好時侯

一統志好時故城在陝西乾州東北志州東十里有好時村蓋卽漢縣所在

擊望都故安西山賊

水經注易水篇世祖令耿況擊故安西山賊吳耐蠶符
竄上十餘營皆破之與此異又云班固鬪駟之徒皆以
斯水謂之南易一統志南易水在易州南六十里

陽鄉

寰宇記陽鄉故城在今涿州固安縣西北二十七里亦謂之長鄉城方輿紀要陽鄉城在良鄉縣西北

軍都

一統志軍都山在宣化府懷來縣南五十里與昌平州接界軍都故城在州西

迎況賜甲第奉朝請封牟平侯

按況先封隃麋侯次子舒封牟平侯此蓋脫舒字通鑑及熊方年表皆因其誤

擊富平獲索賊於西原

一統志大桑落墅在武定府陽信縣東南四十五里卽
府境之永利鎮相傳古富平縣治也

從朝陽橋濟河以渡

于欽齊乘漢朝陽城在濟南路章邱縣東二十五里一
統志漯河自東昌府高唐州流入經禹城縣西二里東
北逕臨邑縣南又東經濟陽縣北又東北流入武定府
惠民縣界俗名大土河按水經注漯水又東北逕東朝
陽縣故城南卽此河也

注 祝阿故城在今山在縣東北

舊唐志禹城漢祝阿縣天寶元年以爲禹城山在天寶

元年改爲豐齊元祜十五年并入長清縣

別於太山鍾城列營數十

按太山當是朱虛縣之小泰山朱虛縣在今青州府臨

朐縣沂山亦曰東泰山在青州府臨朐縣南九十里與

沂水縣接界水經注

沒水

朱虛縣泰山上有長城西接岱

山東連琅琊巨海千有餘里蓋田氏之所造也一統志

鍾城在濟南府禹城縣東南百餘里

大恐懼遂空壁亡去

尉繚子戰權凡奪者無氣恐者不可守

巨里

水經注巨合水北逕巨合故城西三面有城西有深坑
坑西卽冢所營也與費邑戰所邑於此齊乘巨里在歷
城縣東七十里宋改爲龍山鎮

注

今齊州全節縣東南

舊唐志平陵縣貞觀十七年齊王祐起兵平陵人不從
順遂改爲全節元和十年新志十五年省入歷城通志全節
城在縣六十餘里

張步都劇

通志劇城卽紀國城在青州府壽光縣南二十五里瀾
堯二河之間又有劇城在昌樂縣西五十五里漢志有

二劇縣一爲菑川國都一北海屬縣

西安

水經注時水北逕西安縣故城南通志西安城在濟南府新城縣東三里卽今之索鎮也齊乘西安城在臨淄西三十里

彛進軍畫中

水經注澧水東去臨淄十八里所謂澧中也一統志畫邑城在青州府臨淄縣西北二十里春秋時棘邑又云澧邑

擊一而得二者也

管子制分篇凡用兵者攻堅則勒乘瑕則神攻堅則瑕者堅乘瑕則堅者瑕

後無轉輸

孫子軍爭篇軍無輜重則亡無糧食則亡

注 以逸待勞以實擊虛

孫子軍爭篇以近待遠以佚待勞以飽待飢此治力者也又虛實篇兵之形避實而擊虛

引歸小城

方輿紀要臨淄有大城又有小城一統志引元和志云縣理小城與古城相去僅十里縣志今爲古城店按元

和志無此語也

追至鉅昧水上

胡三省辨誤曰水經注巨洋水出朱虛縣東太山袁宏謂之鉅昧王韶之謂之巨篋北過臨朐縣東又北過劇縣西耿弇追破張步處也又東北過壽光縣又東北入於海按史炤釋文巨洋水在樂安國胡氏據水經注謂耿弇破張步於劇縣西未至樂安國界然章懷注云在今青州壽光縣西者亦其末流也一統志巨洋水亦名瀾河源出臨朐縣南沂山西麓北流逕臨朐縣東又北逕益都縣又東北流逕壽光縣東又東北會黑塚泊入

於海

步奔平壽

方輿紀要平壽城在濰縣西南二十里通志云卽今濰縣治

樹十二郡旗鼓

注列臨淄按臨淄非郡是時菑川未并入北海應爲淄川

城陽

一統志莒縣故城今沂州府莒州治其地後亦名城陽漢封朱虛侯章爲城陽王都莒建武十三年省城陽國

并琅琊

注 今幽州新平縣

注 詔幽爲幽舊唐志開元十三年以傳寫易訛改幽爲
列

國傳 代馮勤爲大司馬

按本紀以太僕趙熹爲太尉大司農馮勤爲司徒是國
代馮勤爲大司農也此誤冊府元龜三百宰輔部亦引
耿國爲大司馬則襲訛已久建武二十七年已改大司馬爲太尉

秉傳 以戰去戰盛王之道

袁紀此下云君不可以怒而興師將不可以愠而合戰

鼓之以仁義爲國之寶矣四語本孫子火攻篇

常引乘上殿訪以邊事

袁紀載乘議曰孝武時始事匈奴匈奴援引弓之類并左衽之屬故不可得而制也漢旣得河西四郡及居延朔方徙民以充之根據未堅匈奴猶出爲寇其後羌胡分離四郡堅固居延朔方不可傾拔虜遂失其肥饒蓄兵之地惟有西域俄復內屬呼延邪單于請歛塞是故其勢易乘也今有南單于形勢相似然西域尙未內屬北虜未有釁作臣愚以爲當先擊白山得伊吾車師通丈烏孫諸國以斷其右臂未可先擊匈奴也伊吾亦有

匈奴南呼衍一部破此復爲折其左角觀往者漢兵出匈奴輒爲亂五單于爭未必不以五將之出故也今可先擊白山以觀其變擊匈奴未晚也按其後竇固出酒泉擊呼衍破白山皆如秉計

受降如受敵

吳子論將備者出門如見敵

封秉美陽侯

水經注渭水又東彰川水東北至鄠縣南章和元年章帝封耿秉爲侯國又云章和二年更封彰侯耿秉爲美陽侯據酈注則章帝末年秉已先封也明統志彰縣故

城在鞏昌府漳縣西南五里鹽川鎮一統志美陽故城

在乾州武功縣西南

縣志在縣西原八里

說曰桓侯

袁紀作壯侯

丞相司直韋況晁暉

按獻帝紀及魏志只云韋晁此況暉二字衍

夔傳金微山

一統志金微山在喀爾喀部界內

盡獲其匈奴珍寶財畜

按上句有單于脫亡此匈奴二字

粟邑侯

諸本並訛粟爲粟一統志粟邑廢縣在耀州白水縣西

北

縣志西北
八十里

到屬國故城

前志西河郡美稷縣屬國都尉治一統志美稷故城在
鄂爾多斯左翼中旗東南

徐常於馬城

注誤引雁門郡馬邑事與安帝紀同

恭
傳金蒲城

注延州字誤當是庭州按舊唐志西州有蒲昌縣云貞

觀十四年置縣東南有蒲類海庭州有蒲類縣貞觀十四年與庭州同置元和志西州蒲昌縣本名金蒲城車師後王庭也今爲鎮西府奇台縣

恭以疏勒城傍有澗水可固

按恭屯車師後王部疏勒國去長史所居五千餘里恭奉詔屯車師豈得遠就疏勒國乎然此疏勒城卽金蒲城之近偶與國名同耳方輿紀要疏勒城在廢庭州南庭州城在大州北四百十里新唐志自庭州西延城西六十里有沙鉢城守捉又八十里有耶勒城守捉耶勒故疏勒城歟

穿井十五丈不得水

管子地員篇黑埴命之曰一施七尺而至於泉至高陵
土山二十施百四十尺而至於泉注施者大尺之名其
長七尺自七尺至百四十尺爲最深矣恭之穿井十五
丈乃過之也又云青龍之所居庚泥不可得泉赤壤勢
其下清商不可得泉陞山白壤其下駢石不可得泉徙
山其下有灰壤不可得泉

又二部兵八裁各數千

按前云屯各置數百人此千字當作百

會柳中擊車師

水經注

一河水

以校尉關寵分兵入高昌壁次交河城

會關寵已沒

袁宏紀關寵病死

由是大忤於防

袁宏紀恭又薦臨邑劉復素好邊事明略卓異反以微過歸國宜令以功自效今復將烏桓兵所向必克由是忤於防也

坐徵下獄免官

御覽

四百八十三

東觀記曰長水校尉坐將兵不憂軍事肆

心縱欲飛鷹走狗遊戲道上虜至不敢出得詔書怨懟

徵下獄

丁奚城

明志靈州千戶所南有故丁奚城

論 追誦龍蛇之章以爲歎息

按于事不切近葉大慶曰說苑載龍蛇之章一云介之推一云舟之僑俱見復恩篇言舟子僑者誤也愚謂之推自言身將隱焉用文之不爲此炫詞說苑又託爲之推從者縣書益不足信

姚期
傳 從徇薊

明統志洗馬溝在順天府城西南四十五里流出薊南

太湖世傳光武徇薊洗馬於此日下舊聞洗馬溝卽銚期奮戟處

人清陽博平

一統志博平故城在東昌府博平縣西北三十里

建平侯注 一名馬頭城

魏書地形志馬頭郡治建平城一統志建平故城在歸德府永城縣西南按晉置馬頭郡治當塗魏天平後始移治建平

葛陵侯

水經鮦陽縣有葛陵城一統志葛陵故城在汝寧府新

蔡縣西北五十里以近葛陂而名

王霸傳疾風知勁草

鹽鐵論國病篇林中多疾風

未畢數騎而冰解

一統志凌消村在深州東北四十里古滹沱河南岸卽光武渡河冰合之處寰宇記今俗呼爲危渡元王惲秋澗集滹沱流斲行序云據馮異傳從饒陽蕪蕪亭南渡滹沱入信都王霸稱冰堅可渡處今鼓人指縣東北龍華鄉故河道曰全渡者卽其處也且以饒陽取直趣冀其經鼓城縣東界無疑

鼓城縣明志廢爲晉州治

富波侯

一統志富波廢縣在潁州府阜陽縣南

武軍奔過霸營大呼求救

尉繚子兵教下待人之救期戰而蹙皆心失而傷氣也
按王霸於此必審知馬武所將猶能力戰故持重以待
敵氣之衰而後兵乘之陳餘之終不肯出兵者審已有
必敗之道也王霸之不急於出兵者量已有必勝之術
也張郃勸袁紹急救涪于瓊者量不救則折而入於敵
也三事正可參觀

吾承其弊

孫子軍爭善用兵者避其銳氣擊其惰歸

斷髮請戰

文子下德篇善用兵者蓄其怒蓄怒而威可立也

故數挑戰

尉繚子攻權分險者無戰心挑戰者無全氣

善之善者也

語見孫子謀攻篇

平城

一統志平城故城在大同府大同縣東金史地理志大同縣有平城外郭舊志平城有三皆在冀北一曰平城

漢高被圍之所爲今大同一曰新平城拓跋猗盧所築
在今山陰縣北一曰小平城秦蒙鰲所拔者今朔州地
小平城見吞於秦兩漢無聞新平城見據於六修後廢
獨平城魏以爲都後復爲鎮稱京置府至今顯焉

更封向侯

方輿紀要向城在鳳陽府懷遠縣東北四十五里春秋
時向國漢置向縣魏廢又山東沂州西南百里亦有向
城按王霸所封則沛郡向縣在懷遠者是也莒人入向
則沂州西南者是也寰宇記密州莒縣南七十五里有
向城春秋時向邑則此注所稱者是也

委輸可從溫水漕

按正文溫水注謂溫餘水溫俱當作灤說文灤水出雁門陰館累頭山東入海或曰治水也前志雁門陰館下云累頭山治水所出又上谷軍都下云溫餘水東至潞南入沽

漢書本作洛者訛

溫餘亦灤餘之訛也考灤水與灤餘

水所出各殊而傳云溫水注云溫餘水全不相蒙必有一誤水經注灤水又東逕昌平縣溫水注之水出南墳下三源俱導合而南流東北注灤水然昌平之溫水川源無幾并入灤水既非通津不得指是爲轉漕之路則正文之溫水決非此溫水朱彝尊曰下舊聞謂後漢書

王霸傳云云章懷注引水經本作温餘水遼史順州有

温榆河金史懷柔縣爲温陽豈盡無據又昌平多温泉

有流入雙塔河者

昌平山水記昌平州西南三十里爲雙塔河東流過雙塔河店入榆河

温餘之名竊疑水經注旣無善本今人遂指温字爲濕

字之訛正恐頽昔人所云以不悖者爲悖也朱氏之意

疑傳之温水之不可當水經注漢志之灑水治水遂據

章懷以遷就傳文又欲實温餘之不必爲濕餘趙一清

駁之曰朱氏之言過矣濕是灑之訛温又是濕之訛自

古未聞以濕水爲温水温餘之名連出累頭之濕水以

受稱漢昌平舊縣自有温水豈可便以濕餘水當之今

本漢志注轉寫成訛後漢因之遼金制度隨地改易此正與隋人誤以屯氏河爲毛氏河因置毛州貽笑於千古也方輿紀要榆河在昌平州南二十里一名濕餘河或名溫榆河卽濕餘之訛也顧炎武昌平山水記云芹城水出芹城北南入於沙河水經注芹城水出北山南逕芹城東注濕餘水以此知沙河之爲古濕餘也傳寫之誤或爲溫水王霸傳委輸可從溫水漕是也又云溫榆河卽昌平之榆河下流爲沙河入順義西南界至通州入潞河順義謂之西河金人名縣曰溫陽以此遼史作溫榆河本水經之濕餘河以字相似而訛也按明統

志榆河源自昌平州南月兒灣一名溫榆河下流爲沙河經順義會白河又濕餘河在昌平州東南六十里源出軍都山南流又折而東入潞河如彼志則榆河濕餘水顯出兩水未可以榆河便爲濕餘水也一統志永定河卽桑乾河自山西天鎮縣流入東逕宣化西寧縣南蔚州北又東逕宣化縣南界又東逕保安州南與洋河會又東南入順天府宛平縣界卽古濕水也又東南經良鄉縣東又南逕固安縣北又東南經永清縣東北東安縣西又東南逕霸州東北合五帶河方輿紀要桑乾河源出山西馬邑縣西北十五里洪濤山

亦名累頭山
濕水出焉卽

桑乾河上源也至順天府西南曰盧溝河俗呼小黃河以其流

濁而易淤也亦謂渾河出盧溝橋下東南流爲看丹口

元史作東麻如分二派一東流至通州南高麗莊在州西南

去府四十里十三里稍東合白河一南流經良鄉縣東固安縣西爲

南即張家灣巨馬河與霸州界河合按巨馬河宋曰界河東流逕永清縣及東

安縣南至武清縣小直沽達於海後漢陳委輸事從濕

水漕卽此也按亭林顧氏反以傳之溫水當從注之溫

餘水非也霸之防匈奴及匈奴侵苦漢邊代郡雁門尤

劇故其築治亭鄣自代至平城三百餘里而灑水從雁

門代郡東至上谷漁陽并合眾流千餘里就水轉漕惟

此可以當之

周夢暘水部備考桑乾河自大同古定橋起至盧溝橋務里村止約入百餘里可以

舟行者七百二十七里

若温餘水所經流既不當邊屯衝要又從

上谷軍都入漁陽狐奴裁歷三縣則非當日轉漕之水甚明矣推傳與注所以乖謬者蓋范史已誤作温水章懷不悟其傳寫之訛無温水以當之乃就濕餘之近似者蓋其所據水經與漢志亦已成訛本也今據說文以證酈氏從濕水爲是耳

祭遵傳

字弟孫

弟孫疑昴孫之誤

柏華蠻中賊

全漢書地理志卷之二
三
州川文
方輿紀要柏谷在陝州靈寶縣西南朱陽鎮有柏谷亭
柏華卽伯谷之誤也

新城蠻中山賊

方輿紀要新城縣在河南府南七十五里古戎蠻子也
戰國時謂之新城隋改縣曰伊闕山爲名北魏史伊闕
以南大山長谷蠻多居之魏因以伊川土豪李長爲防
蠻都督知伊闕之蠻近世猶然

注 杜衍縣名屬河南郡

當云屬南陽郡一統志杜衍故城在南陽府西南二十
三里

追至新關

漢時隴關亦有新故二關自唐以後則以大震關爲故關安戎關爲新關俱在隴州西新關西去故關三十里作黃門武樂

按黃門卽黃門鼓吹天子所以宴樂羣臣武樂卽短簫鏡歌軍樂也其傳曰黃帝岐伯所作以建威揚德風勸士也郭茂倩樂府詩集鼓吹曲一曰短簫鏡歌崔豹古今注短簫鏡歌鼓吹之一章爾亦以賜有功諸侯然則黃門鼓吹短簫鏡歌與橫吹曲得通名鼓吹但所用異耳漢有朱鷺等二十二曲列於鼓吹謂之鏡歌

身無奇衣

文子符言聖人無屈奇之服

朱輪容車

續漢禮儀志大駕甘泉鹵簿金根容車中黃門尙衣奉衣登容根則容車載死者衣冠所謂魂車也

謚曰成侯

袁紀作威侯

復臨其墳

一統志祭遵墓在洛陽縣北邙山

彤遷襄賁令

一統志襄賁故城在沂州府蘭山縣西南一百二十里
西自武威

按武威郡東去遼東萬餘里祭彤威聲安能及於武威
此但欲夸奖不顧事理耳

涿邪山

在鄂羅斯國界

在光 刁子都

通鑑考異曰范書作力子都同編修劉攽云力當作刁
音彫今通鑑猶作力而此書反改作刁失其舊矣按王
莽傳亦是力子都劉改之非是廣韻力姓黃帝佐力牧

之後姓纂云漢有魯郡相力題

入堂陽界

九域志皇祐四年省冀州堂陽縣爲鎮入南宮

起兵盧城頭

明統志盧城在濟南府長清縣西南二十里舊唐志天寶十三年廢濟州盧縣屬鄆州

都從事

都當是部之誤

會于檀鄉

一統志檀城在兗州府城北亦曰檀鄉府志瑁上檀城

古灌檀也周時侯國瑕丘縣宋大觀四年避先聖諱改爲磁陽成化開易磁爲滋

阿陵侯

一統志阿陵故城在河閒府任丘縣東北寰宇記在縣東北二十里舊志其地今皆爲水鄉

魏傳擢奉朝請

魏晉後貴胄起家拜奉朝請者始於此

徙封西陽侯

注云屬山陽按續志山陽郡西陽已省此當爲江夏之西陽一統志西陽故城在黃州府黃岡縣東元和志在

黃岡東南一百三十里

李忠傳

東萊黃人

注

今萊州縣也

舊唐志登州漢東萊郡之黃縣如意元年分置登州神龍三年改黃縣爲蓬萊縣移州治於蓬萊

父爲高密都尉

注郡國志高密侯國按注意謂王國有中尉無都尉耳當引地理志之高密國卻錯引郡國志高密侯國也

自解所佩綬以帶忠

北堂書鈔東觀記曰時無綬上自解所佩綬以賜忠疑此脫無綬二字

注 解支小單衣

解支當作鮮支廣雅鮮支絹也一切經音義亦名縞也
小單衣蓋汗衫

注 中水故城在今瀛州樂壽縣西北

舊志永泰中割樂壽屬深州明統志中水城在河間府
獻縣西北三十里

萬脩徙封泣氏侯

水經注普以建武六年封泣氏侯方輿紀要泣氏城在
澤州高平縣東十里

邳彤明公既西則邯鄲城民不肯捐父母背城主而千里

送公

何焯曰邯鄲二字疑有誤當作二郡城民時王郎方據邯鄲也愚按通鑑作邯鄲勢成民不肯捐父母背成主而千里送公添一勢字易兩成字文義瞭然修辭上拙固自懸絕

重平侯

一統志重平故城在河間府吳橋縣南

劉植傳封觀津侯

注在今德州舊縣西北舊唐志永泰後屬冀州明統志觀津城在河間府景州西北連冀州武邑縣界

明志隋省觀津

入武
邑

封浮陽侯

明統志滄州故城在今滄州東南四十里卽漢浮陽縣

水經注

清河

建武十五年更封驍騎將軍平鄉侯劉歆爲

浮陽侯

東武陽侯

注今魏州華陽縣南

按華陽誤隋志莘縣後周置武陽郡舊唐志莘縣漢陽

平縣地莘與華相似又衍陽字明統志武陽城在東昌

府莘縣東鄉一統志東武陽故城在曹州府朝城縣西

耿純

注

莽改定陶國曰濟平

後漢書地理志卷之二
三
前志濟陰郡定陶縣莽改曰濟平注國字誤

奉迎於育

按前志鉅鹿郡有賁縣一統志賁縣故城在保定府東鹿縣西南此育字誤通鑑注云則沿誤已久

封耿鄉侯

章懷注有脫訛水經注濁漳篇白渠水又東爲成郎河又

東逕耿鄉南世祖封前將軍耿純爲侯國世謂之宜安城藁城縣志故耿鄉在縣西一里後漢初耿氏宗族所居又前志河東皮氏縣有耿鄉水經注汾水又西逕耿鄉城北應非此耿鄉也

宋子

一統志宋子故城在趙州東北二十里隋省入平棘

注 芳餌之下必有懸魚重賞之下必有死夫

按黃石公三畧作死魚勇夫

疆弩並發賊眾驚走

六韜敵疆篇武王問太公曰敵人夜來或攻吾左或攻吾右三軍震動吾欲以戰則勝以守則固爲之奈何太公曰如此者謂之震寇利以出戰不可以守選吾材士強弩車騎爲左右疾擊其前急攻其後或擊其表或擊其裏其卒必亂其將必駭

故不相救耳

通典

一百五十五

李衛公兵法曰諸有賊夜犯軍營被犯之

營擊鼓傳非賊去不得輒止仍須盡力捍禦百方防備諸軍擊鼓傳警訖鼓音卽止各自防備不得輒動被犯之營賊侵逼急卽令告中軍大總管自將兵救餘軍各準常法於營前後出隊布陣以聽進止

蒲吾長

一統志蒲吾故城在正定府平山縣東南

發干長

一統志發干故城在東昌府堂邑縣西南

朱祐
傳 復陽劉氏

一統志復陽故城在南陽府桐柏縣東

皆親愛之

袁宏紀伯昇敗祐常獨怨望世祖每短絕之祐自洛陽將之河北劉嘉問祐曰子將何之祐曰將之長安嘉素

奇世祖知祐有舊謂祐曰子與劉公善胡不北乎按嘉與光

武同族而稱其語曰劉公此袁宏之不辭嘉有勞苦吏欲託之劉公祐曰若

是願與之俱乃給其車馬使賈復陳俊與祐俱北及世

祖於柏人世祖復以祐爲護軍

召刺姦收護軍

按岑彭祭遵俱爲刺姦

更封堵陽侯

明志南陽府裕州漢堵陽縣金置裕州東有堵陽廢縣

蔡陽

一統志蔡陽故城在襄陽府棗陽縣西南

景丹傳邯鄲將帥數言我發漁陽上谷兵吾聊應言然

袁宏紀邯鄲將帥數言我發漁陽上谷兵吾聊應一言

我亦發之上言我發者邯鄲發之也下光武方自言亦

欲發之本是實語注謂兩軍遙相戲弄恐未必然

蘇況攻破弘農生獲郡守

袁宏紀建武三年陝人蘇況反殺弘農太守上夜召景
丹以檄示之曰弘農太守無任爲賊所害今聞赤眉從
西方來恐蘇況舉郡以應之弘農迫近京師今將軍雖
疾病但臥而鎮之耳按袁紀於事勢尤分明

注 病瘡

素問瘧論岐伯曰夏傷於大暑其汗大出秋傷於風則
病成矣

聞壯士不病瘡

李石續博物志瘡鬼不能病巨人故曰壯士不病瘡晉
人曰君子不病瘡蜀人以瘡瘡爲奴婢瘡

見世說言
語篇注

王梁
傳 漁陽安陽

漢志漁陽郡有要陽無安陽梁與蓋延蓋同縣人一統志承德州人物王梁要陽人正作要陽此誤也

北守天井關

明志澤州泊南有太行山山頂有天井關關南卽羊腸坂爲天下之險

封武彊侯

一統志武強故城在今深州武強縣南舊志舊城村在縣南五里

擊肥城文陽

注文音汶按韓敕禮器碑陰文陽公百輝係文陽人正
作文與汶同

齧桑

史記注徐廣曰在梁與彭城之間胡渭錐指云沛縣西
南有齧桑亭

引穀水注洛陽城下

水經注穀水出澗池下合澗水得其通稱或亦指之爲
澗水也澗水舊與穀水亂流南入於洛今穀水東入于
金渠澗水與之俱東入洛矣穀水出干嶠東馬頭山穀
陽谷東逕新安故城又東北逕函谷關城又東澗水注

之自下通謂澗水為穀水之兼稱也故尙書曰伊洛瀍

澗既入於河而無穀水之目又東逕穀城南又逕河南

王城東北又東流逕乾祭門北

胡渭曰此周靈王壅穀入洛之故道下文東至

千金竭則東漢以後陽渠九曲千金五龍諸渠之故道澗澗二水自此東注而不復至王城東南入洛矣方

輿紀要穀水東歷故洛陽城廣莫門北又東南出上東

門門外石橋下而會於洛此魏晉以後之洛水也周時

澗水本在王城西入洛故洛誥云澗水東瀍水西周靈

王時穀洛鬪毀王宮亦在王城西自此澗水更名穀水

禹貢錐指王城卽邾邑漢為河南縣其故城在今洛陽

縣西北

地道記去洛城四十里

成周漢為洛陽縣其故城在今洛

陽縣東北二十里二城東西相去四十里而今洛陽縣居其中古時澗水經河南故城西入洛瀍水經河南故城東入洛迨東漢建都於此自河南縣東十五里之千金塢引水繞都城南北以通漕而瀍穀俱東往古時瀍不合澗亦不過洛陽縣南而東至偃師也按穀水本不過洛陽城故王梁引之而無成其後張純復穿陽渠引穀水東注魏晉以下益復增修則酈氏所敘穀水綿歷洛城之事是也

東瀉鞏川

方輿紀要洛水在鞏縣城西元和志洛水東經洛汭北

對琅琊渚入河謂之洛口亦名什谷鞏川卽洛水也以其自鞏縣入河故云鞏川水經注陽渠亦謂之九曲瀆在河南鞏縣西此後來東瀉鞏川之事也

杜茂傳封樂鄉侯

方輿紀要樂鄉城在深州東南三十里

芒

一統志芒縣故城在歸德府永城縣東北縣志故芒城俗呼爲大睢城在縣東北甫城鄉

晉陽廣武

一統志廣武故城在代州西十五里

馬成
傳 封平舒侯

一統志平舒故城在大同府廣靈縣西縣志在縣西四
十里平水村南俗呼平水城卽舒字之誤

注 西河今勝州富昌縣也

隋志大業五年改勝州爲榆林領榆林富昌金河三縣
舊唐志勝州初領榆林河濱連谷銀城四縣天寶元年
割連谷銀城兩縣置麟州通典及元和志入唐初皆不
言富昌廢於何時一統志富昌故城在鄂爾多斯左翼
前旗界隋勝州故城在左翼後旗又按東漢西河郡治
離石離石故城今汾州府永寧縣治也注僅指富昌一

縣當之疏矣

劉隆傳 扶樂鄉侯

寰宇記扶樂故城在陳州太康縣西北四十里

傅俊傳 徙封蕪湖侯

水經注澠水篇龍元縣漢建武十三年世祖封傅昌爲侯國其事蓋在徙蕪湖之先

高置亭侯

續志潁川陽翟有高氏亭一統志高氏亭在許州府禹州西南氏置聲同而訛

堅譚傳 封潁強侯

一統志濼強故城在許州府臨潁縣東貞觀初入長社

馬武傳

登叢臺

元和志叢臺在磁州邯鄲縣城內東北隅舊志明嘉靖十三年建據勝亭於其上康熙十六年復修爲游觀勝地按縣今屬廣平府注潞州當是洺州之訛

進至安定次小廣陽

一統志安定故城在保定府束鹿縣西北按續志安定次屬廣陽郡據耿弇傳此定字爲衍東安縣志安次廢縣在縣治西北四十里今名古縣方輿紀要漢廣陽縣城在良縣東八里

封山都侯

一統志山都故城在襄陽府西北後周省

楊虛侯

一統志揚虛故城在濟南府禹城縣西南亦作楊墟

洛都谷

方輿紀要洛都谷在西寧衛東北郡國利病書雒都谷
在故浩亶縣一統志浩亶故城在西寧府碾伯縣東

東西邯 注 在今廓州化陰縣東

陰當作隆舊唐志後漢燒當羌之地後魏置石城郡廢
帝因縣內化隆谷改爲化隆縣後周置廓州先天元年

改爲化成縣天寶元年改爲廣威縣郡國利病書邯川城南臨黃河在白土城西漢建武初以牛邯爲護羌校尉故川以邯名按元和志廓州米川縣本前涼張天錫於此置邯川成一統志唐廢廓州及米川廢縣在西寧府西寧縣東南邯川水在碾伯縣東南

論 注 黃佐命

通卦驗黃佐命蒼輔術鄭以張良爲佐命則蒼輔術當是張蒼也

不以功臣任職

趙策張孟談告襄子曰貴爲列侯者不在相位自將軍

以上不爲近大夫

注 趙衰其所讓皆社稷之衛也

按晉語趙衰下合有三讓二字

注 皆蕭曹故人耳相聚謀反也

按耳當作故也當作耳

依其本第係之篇末以志功臣之次云爾

按今閣本作兩重排列上一重首鄧禹次吳漢訖劉隆
下一重首馬成次王梁訖卓茂而監本及坊本改兩排
爲一排以一上一下錯列乃合馬成卽巫鄧禹王梁亦
並吳漢優劣懸殊不亦慎乎玉海五十七亦同此誤則其

來已久然范書原次亦與陶潛羣輔錄小異

淮陽侯王霸

淮陽誤本傳作淮陵羣輔錄作淮陰皆屬臨淮郡

賈融自常山徙焉

按唐書世系表賈鳴犢爲晉大夫葬常山及六卿分晉
賈氏遂居平陽充避秦之難徙居清河漢贈安成侯葬
觀津按前書賈皇后家在清河賈之居清河久矣云常
山者誤

從祖父爲護羌校尉

王莽傳有護羌校尉賈況

金城太守庫鈞

廣韻風俗通曰庫氏古守庫大夫之後漢有輔義侯庫鈞鄭樵氏族略云庫氏音舍天台括蒼有此姓王鳴盛曰說文無庫氏此流俗妄造正如角里別造角字代之樵妄據委巷小人之姓以爲典實也按樵亦本於廣韻卻非妄撰廣韻十一暮又云庫亦虜複姓新唐書董衡釋音庫狄音赦然作舍音者卽虜複姓省從庫與庫字相混耳廣韻宜以庫狄等姓歸入庫字下

土者有分土無分民

自處通諫爭篇其臣不待放者亦與之物明有分土無

分民也

仁者不違義以要功

燕策厚者不毀人以自益仁者不危人以要名

竺曾以弟報怨殺人

廣韻後漢竺曇本姓竹報怨有仇以謂始名賢不改其族乃加二字以存夷齊竹本姜姓封爲孤竹君後以竹爲氏後漢有竹曾如彼所云與注引東觀記合然竺曾本當作竹曾

令守突門

按突門當是險危之處或卽落門注引墨子百步一突

門非

與大軍會高平第一

御覽

一百六十四

班固安豐戴侯頌曰高平第一帝臨我師

上文融遣弟友至高平亦此處也一統志高平故城今

平涼府固原州治

問會見儀適

笑林漢司徒崔烈辟上黨鮑擊爲掾將謁見自憂不過
問先到者儀適知儀適亦當時常語

安風四縣

續志云安風侯國則融之侯封是安風非安豐也風豐

音同水經注窮水出六安國安豐縣本安風亦誤爲安豐舊統志安豐縣今爲安豐鄉故城在壽州西南六十里陽泉故城在潁州府霍邱縣西九十里安風廢縣在霍邱縣西南二十里據續志有六安侯國又有蓼侯國紀要引此傳蓼字下無安字蓼縣城在霍邱縣西北接光州固始縣界

以融從兄子林爲護羌校尉

唐書宰相世系表安定太守猛生二子秀敷秀二子丕林敷三子平牟友融如彼言則融於林爲從父兄弟非兄子也然表亦不足信

穆坐賂遺小吏

按穆所坐若止賂遺小吏何至一家并命此必關通爲
姦利大不道也史文祇落疑班固等爲竇氏諱

固傳盧水羌胡

明志甘州衛東南有盧水亦曰沮渠川方輿紀要北史
沮渠蒙遜世居張掖臨松盧水卽此川

固忠至天山 注 今名祁縣羅漫山

注有脫誤元和志天山夷名折羅漫山在西州前庭縣
北三十里舊唐志天山一名祁連山西州天山縣取祁
連山爲名然天山有二名祁連山者在今甘州府張掖

縣西南戴震水地記山在張掖縣西百里之黎園堡南九十里肅州南百六十里其名白山

者在唐之伊州今哈密城北一百二十里此竇固所至

乃哈密白山也唐姜行本碑師次伊吾時羅漫山錢大昕曰哈密城北天山之麓土人名闕石

圖漢言碑嶺

追至蒲類海 注 在庭州蒲昌縣

蒲昌當作蒲類元和志庭州蒲類縣貞觀十四年置因蒲類海爲名今名巴爾庫勒海在鎮西府城西北十五里

三木樓山

方輿紀要三木樓山在甘肅鎮州今甘肅東北塞外

匈奴河水上

今在鄂羅斯國界

涿邪山

今在喀爾喀布界

注 人人長跪前割之

釋名貊炙全體炙之各自以刀割出於胡貊之爲也

憲傳憲陰喝不得對

通鑑注喝訶也密訶左右不得對也愚謂方帝指問何能密訶左右仍從章懷噎塞解爲是齊策恫疑虛獨高誘注獨喘息懼貌獨喝文義同

然亦不授以重任

袁宏紀元和三年太尉鄭弘數陳實憲權勢太甚爲憲不容奏弘漏泄奏事坐詰讓收印綬弘乞骸未許疾篤上書實憲之姦惡貫天達地海內疑惑言憲何術以迷主上流言噂沓深可歎息田氏篡齊六卿分晉漢事不遠炳然可見云云比范書弘傳所載尤爲深切然則當章帝世憲被寵任橫溢如此弘之言至迫若剝膚而章帝貽謀不臧遂階無窮之禍視明帝之察察何如哉撰作東觀者如此事諱言後史承其文浮詞曲筆蒙蔽千古

內幹機密

幹當爲幹

都鄉侯暢

袁紀作郁鄉

雞鹿塞

明志榆林衛西北有雞鹿塞

捆陽塞

今在吳喇忒旗北故九原城之東北

燕然山

北史燕然山在菟園水北一統志抗愛山在鄂爾渾河

之北直陝西寧夏北二千里許抵鄂羅斯國界千餘里
當卽古之燕然山

勒以八陣

風后握奇經八陣四正四奇天地風雲各四隊天地之
前衝爲虎翼風爲蛇蟠虎居於中張翼以進蛇居兩端
向敵而蟠以應之天地之後衝爲飛龍雲爲鳥翔龍居
其中張掖以進鳥翼兩端向敵而翔以應之

傳章章自爲之辭

藝文類聚崔瑗寶貴人誄曰貴人雖歿遺德尊著於金

石垂疑腕後昆蓋碑卽崔瑗所撰

梁后稱制章自免

北堂書鈔續漢書曰初章德竇后嫉害恭懷皇后獨生
聖嗣陷以非辜家屬坐徙九真章德后之從父昆弟章
女爲貴人與太后並寵章致位大鴻臚及上晏駕后登
至尊章惶怖太后內無忌刻之心遂不以舊惡介意

贊 遠兵金山

一統志阿爾泰山在喀爾喀部卽古金山在特思河西
北綿亘二千餘里高入霄漢盛夏積雪不消爲西北諸
山之祖

馬援傳 注 通生賓賓生仲仲生援

宰相世系表賓三子慶昌襄昌生仲玄武司馬則多一世元和姓纂之通生昌昌生況余援又少一世其家狀如此以史爲據可也

汝大才當晚成

老子下篇大方無隅大器晚成淮南修務易成者名小難成者功大

良工不示人以朴

陸賈術事篇抱朴者待工

否則守錢虜耳

李斯傳嚴家無格虜索隱曰虜奴隸也

增山連率

水經注

河水

司馬彪曰增山者上郡之別名也前志不

書王莽改上郡爲增山

當握手歡如平生

荀子宥坐孔子曰去其故鄉事君而達卒遇故人曾無
舊言吾鄙之

臣亦擇君矣

晏子內篇問上君擇臣而使之臣雖賤亦得擇君而事
之

今上好吏事動如節度

韓非外儲諸右下聖人不親細民明主不躬小事呂覽
勿躬篤人君而好爲人官自蔽之精者也

居前不能令人輕居後不能令人軒

淮南人間訓置之前而不輶錯之後而不軒

與人怨不能爲人患

管子樞言愛人甚而不能利憎人甚而不能害

臣欲不言則無以上聞

按無以上聞只申說不言義未足袁紀作無以報陛下
爲是

爲天下表的

史炤通鑑釋文表音卑遙反按韻會小補收入蕭韻風
禮肆師職表齋盛注故書表爲標徽識也

注 游翁王元字

胡三省曰據隗囂傳元字惠孟游翁其別字也按游翁
或是王捷捷亦勸隗囂自守者

夫怨讎可刺不可毀

如苗巨訴之於要離是也

令更共陸陸

釋名釋地陸漉也水流漉而去也此陸陸亦爲依阿隨
人之言

男兒溺死何傷而拘游哉

言人有畏溺乃束縛而游於水必不能渡也以喻楊廣畏囂而緘默亦必不能自全

萎媮咋舌

集韻十四賄萎媮據此注也又云殛殛弱也音義並同史炤釋文咋大聲也按考工記侈則柞注云柞讀爲咋咋然之咋聲大外也按鄭云聲大外者聲緣侈而外散也魏策吳起與田文論功起咋舌不敢談則咋舌非大聲

义手成族乎

孔叢論勢篇又手服從曾不能制

漆

一統志新平故城今邠州治古漆縣也

計允豫

袁文瓊漏閒評允字當是猶古通作允後誤爲允章懷
仍其誤按說文允允行貌从人出門遲難之義自通

於臨洮

一統志臨洮今鞏昌府岷州治

允吾谷

方輿紀要允吾故城在蘭州西北二百里

唐翼谷中

水經注

一河水

彼羌目鬼曰唐述後因名之爲唐述山指

其堂密之居謂之唐述窟此唐翼疑卽唐述聲轉也鄰國利病書西寧衛下唐翼谷在允吾谷而馬伏波破羌處

議欲弃之援上言

袁宏紀援上疏曰允吾以西數十里一城皆完堅舊制置塞因山阻每其蹊徑輒有侯尉故虜不得妄動卽弃允吾以西北爲殖養二根內自迫促宜及兵威疾往除之金城諸縣皆田肥美灌溉疏通自有本民易還充實

後漢書地理志卷之二
考
田土肥壤
誠不宜有所斷弃

田土肥壤

玉篇方言云臙肥也廣雅臙盛也壤當爲臙

氏道縣

胡渭曰晉永嘉後地歿於氏羌縣多荒廢氏道今不知所在按其縣當在鞏昌府西和縣界

徵入爲虎賁中郎將

袁紀上從容問虎賁中郎將拔曰吾甚恨前殺牧守多也拔曰死得其罪何多之有但死者既往不可復生上大笑其順時不忤皆此類也

伏波論兵與我意合

顧炎武曰按此時未爲伏波將軍按袁紀次帝此語在二十二年

注 雒將之女

水經注

三十

交州外域紀曰交趾昔未有郡縣之時土

地有雒田其田從潮水上下民懇食其田因名爲雒民設雒王雒侯諸郡縣縣多爲雒將雒將銅印青綬按雒當爲駱賈捐之所謂駱越之民又閩粵傳甌駱將左黃同

注 扶樂縣名屬九真郡

何焯曰通鑑注九真才嘗有扶樂縣按晉地理志九真郡有扶樂縣但非漢志所有耳謂劉隆所封鄉名非縣名則是也水經注沙扶樂城在扶溝縣沙水逕其北錢大昭補表云扶樂鄉陳留扶溝縣然陳國亦自有扶樂縣一統志扶樂故城在陳州府太康縣西北

禁谿

方輿紀要禁溪在安南太原府境

注 奔入金溪穴中

穴當爲究水經注葉榆河援將兵討側詩走入金溪究中

三歲乃得又水竹枝扶南記曰山溪瀨中爲之究卮

露赤雅南方有七究金鷄究是其一也方輿紀要究山在太原府西弄石縣境有嚴洞可通行舟或曰卽金溪究也

徵側餘黨都羊等

都羊非賊帥名此誤也御覽五百九十四東觀記曰馬援征

都陽山賊上書曰除其竹木譬如嬰兒頭多蟣蝨而刺

之蕩蕩無所依書奏上大悅出尙書盡數日敕黃門取

頭虱章特入按殿本東觀記作尋陽山賊似當在破皖賊李廣時或編書者誤以都爲尋移在前

耳姚之黜於此事皆不能蒐采耳方輿紀要都陽山在思恩府西北二

百五里一統志都陽十八砦在思恩府西北六百里今

都司治嘉靖七年置司於岵卑村以黃留爲巡檢世襲

居風

方輿紀要居風廢縣在安南國清化府西北

嶠南悉平

水經注建武十九年九月馬援上言臣謹與交阯精兵
萬二千人與大兵合二萬人船車大小二千艘自入交
阯於今爲盛十月援南入九眞至並功縣賊渠降進入
餘發渠帥朱伯棄郡亡入深林巨藪犀象所聚羣牛數
千頭時見象數千百爲羣又分兵入無編縣至居風縣
帥不降並斬級數千百九眞乃靖云

注 援到交阯立銅柱

隋書大業元年劉方敗於林邑逕馬援銅柱南八日至其國都刻石記功唐書馬總傳元和四年充安南都護本管經略使於漢所立銅柱之處以銅一千五百觔特鑄二柱刻書唐德以繼伏波之迹按援所植在日南郡而唐之南安府僅漢交阯郡非其處也嶺表錄異唐韋公幹爲愛州刺史聞有漢伏波銅柱以表封疆在其境公幹利其財欲摧鎔貨之於賈胡土人不知援之所鑄且謂神物哭曰使者果壞是吾屬且爲海神所殺奔走訴於都督韓約移書辱之公幹乃止以爲在愛州者似

矣元和志云愛州漢有九真郡其所屬縣皆漢之居風

縣地則亦非也廣東新語考唐晉皆立銅柱馬援所立

在林邑南大浦其銅柱唐開元時何履光以兵定詔取

安寧城及鹽井復立銅柱按此當在雲南其後安南都護張舟

柳宗元集安南都護張公銘曰疆場之制一彼一此元而不可常乃復銅柱為正制鼓鑄既施精堅是立

和中馬總為安南都護又立二銅柱於漢處晉天福五

年楚馬希範平羣蠻自謂伏波子孫立二銅柱於淡州

今在湖南永順府永順縣東南一百四十里赤雅伏波銅柱一在憑祥州思

明府南界一在欽州分茅嶺此誤以馬總所立為伏波

遺跡也明馭交記云馬援立銅柱為漢界一在欽州一

在思明府而日南林邑屠夷國亦有建者其詞曰銅柱

折交陞滅交人往往疊石以固之

陳孚安南卽事詩注云馬援所立在乾地

舖其刻云云今陳日烜以土埋之上建伏波祠

此又混漢唐爲一皆孟浪之言

也水經注鬱水南自壽洽縣注於海昔馬文淵積石爲

塘達於象浦建金標爲南極之界俞益期賸曰馬文淵

立兩銅柱於林邑岸北有遺兵十餘家對銅柱號曰馬

流銅柱今復在海中正賴此民以識故處也南史林邑

國本漢日南郡象林縣伏波將軍馬援開銅柱置此縣

有西圖夷

圖諸書作屠

亦稱王馬援所植二銅柱表漢家交

界處御覽

七百九十

交州外國傳曰西屠國有銅柱表爲漢

之極南界左右十餘小國悉屬西屠有夷民所在二千

餘家按林邑唐至德後改爲環王

唐書環王本林邑

直交州南

海行三千明爲占城國就令銅柱尙存亦非中國人所

能見矣玉海

二十五

地理志後漢遣馬援討林邑蠻援自

交趾尋海隅開側道以避海從蕩昌縣南至九眞郡援

至其國開陸路至日南郡又行四百餘里至林邑國又

南行二千餘里有西屠夷國鑄二銅柱於象林南界與

西屠夷分境

封溪望海二縣

一統志璽城望海城俱在交州府安明縣界馬援分置

封溪望海二縣築此二城守之舊唐志安南都督府平道縣本漢封溪縣方輿紀要平道城在交州府西北西有望海廢縣

治城郭穿渠灌漑

水經注鬱水南通壽洽郎一浦也至鑿口馬援所鑿內

通九真浦陽

元和志鑿山在愛州日南縣北一百三十里昔馬援征林邑阻風波乃鑿此山彎爲

通道因

文苑英華

八百十三

魚孟威靈渠記云靈渠秦命史

祿監越嶠而首鑿之漢命馬援征徵側而繼疏之東觀記援好事至荔浦見冬笋名曰芭笋上言禹貢厥包橘柚疑謂是也其味美於春夏笋

駱越銅鼓

赤雅伏波銅鼓深三尺許面徑三尺五寸旁圍漸縮如
展形復微展而稍弇其口錦紋精古翡翠煥發鼓面環
繞作蛙尾十數昂首欲跳中受擊處平厚如鏡夷俗賽
神宴客時時擊之重資求購多至千牛制度同而小過
半者諸葛鼓也價差別矣按史但言援得越人銅鼓不
言援自鑄鼓也隋書地理志云俚獠並鑄銅爲大鼓與
注引廣州記同然則越俗自尙銅鼓其精好者乃漢時
所鑄非得謂之伏波也元和志朱高江北去安南府朱
高縣一里後漢馬援南征鑄銅

船於此揚排然火炙船頭令赤以
燠涌浪及殺巨鱗橫海之類也

善相馬者東門京

史記日者列傳黃直丈夫也陳君夫婦人也以相馬立
名天下亦孝武以前

備此數家骨相以爲法

言各取其長也呂覽觀表篇古之善相馬者寒風是相
口齒麻朝相頰子女厲相目衛忌相鬚許鄙相脰投伐
襠相胷脅管青相臆胸陳悲相股脚秦牙相前贊君相
後是其類也

凡人爲貴當使可賤

尸子

文選
注引

孫叔敖爲令尹而不喜退耕而不憂

嬰錄哉是翁也

嬰非義玉篇集韻夔健貌方言獬

音

驚也錄蓋獬之借

字廣雅釋言遺獨虐也集韻又據東觀記曠哉是翁云
曠勇貌此望文生義也

或在左右或與從事

按在帝左右者梁松竇固輩與之從事者馬武耿舒等
武等以宿將屬授故下云殊難得調

臨鄉

方輿紀要沅南城在常德府桃源縣西百二十里建武
二十六年於臨鄉置沅南縣隋省入武林縣

下雋

一統志漢志武陵郡充縣澧水所出東至下雋入沅計其地當在今澧州安鄉縣然歷代地志俱以今武昌府通城縣及岳州府巴陵臨湘二縣當之馬援軍次下雋進壺頭武昌兵州與壺頭相隔千里必非其地然卽以沅陵縣爲下雋亦屬可疑沅陵在武陵之西下雋屬長沙郡不應反在武陵西也按方輿紀要亦以此注在沅陵縣者誤謂在常德府沅江縣界

壺頭

一統志壺頭山在辰州府沅陵縣東北一百三十里與

常德府桃源縣接界

充

方輿紀要充城在澧州慈利縣西二百四十里

水疾船不得上

水經注沅水又逕沅陵縣西有武溪又東夷水入焉水南出夷山北流注沅夷山東接壺頭山山高一百里廣圍二百里山下水際有新息侯馬援征武溪蠻停軍處崔豹古今注武溪深乃馬援南征之所作也援門生爰寄生善吹篳撥作歌以和之名曰武溪其曲曰滔滔武溪一何深鳥飛不度獸不能臨嗟哉武溪多毒滯武溪

今在辰州府瀘溪縣西一百三十里一統志武溪源出
辰州府瀘溪縣西一百八十里武山合小河經縣城南
合沅水

施衿結禰

陳祥道禮書纓帶曰衿帶結而垂曰禰

龍伯高

眞誥稽神樞龍伯高從仙人刁道林受服胎氣之法又

常服青飢

音信今南天燭

方託形醉亡隱處方臺

太茅山之西南有四平山

俗中所謂方山者也其下有洞室名曰方臺

微過輒記大功不計

文子上義篇人君之論臣也不計其大功總其略行而求其小善卽失賢之道也

注 王曰否

韓非內儲說作王曰不信

醲于用賞

洪範傳農厚也疏引鄭注農讀爲醲說文醲厚酒也

操孔父之忠

繁露精華篇使宋殤素任孔父尙將與隣國豈直免弑哉此吾所悁悁而悲者也按此孔父非謂孔子卽孔嘉父

書奏報歸田里

袁宏紀時梁松竇固等在中上問知朱勃乎對曰故雲陽令也以所上章使讀之松固驚相謂曰如是陛下不甚罪伏波也

請試守渭城宰

袁宏紀援以況欲獎勵已內以爲不然援行喪勃已試守渭城宰援獨言朱勃終當何時稟仰我

平阿侯仁之子也

按東觀記援兄子嚴依姊婿父九江連率平阿侯王術考元后傳術爲仁子則王磐爲術子當云仁之孫

論 利不在身以之謀事則智

史記平原君傳贊利令智昏

慮不私已以之斷義必厲

尸子曰無私百智之宗也

後漢書疏證卷二